



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Bianenses.

urn:nbn:de:hbz:466:1-14259

A præstitere. Legimus enim Annibalem monstrasse Antiocho navalī prælia pugnaturo, ut in hostium *Annibalis* classēm vascula jacularentur Viperis plena, quarum metu perterriti hostes à dimicione, & nauticis *Præseges*. ministeriis impedirentur. Idem cum Prusias jam cedente classe sua fecisset, vīctor evasit. Antiquæ vero illius militie vestigia quædam habentur apud vos Maffeos Romæ, in Canone quodam circa Theodosii tempora, & aliquanto etiam prius confecto, in quo militum omnes ordines recensentur, gestaminaque ipsa suis etiam coloribus picta conspiciuntur, quæ quisque manipulus turmaque, ex quadrupedibus vel alitibus, vel ex colorum varietate signa sibi desumpsisserint: ex quibus, quæ facerent ad Anguem, quoniam id operis ordo sibi deposcere videbatur, subjicere non importunum iudicavi.

SENIORES MENAPES. CAP. XVII.

Ex his enim seniores Menapes dicuntur, Anguem luteum pro insigni habebant in parma viridi, cu- *Varia Mi-* *litum in-* *signia.*
jus marginem ruber limbus ambibat. Umbilicus argenteus erat, circa quem luteus circumducebatur circulus. His autem Serpens terga inferne habebat, caput & caudam sursum versus inflebat.

CORTONACENSES. CAP. XVIII.

Qui vero coloris albi Draconem præferebant in rubra parma, cuius umbilicus erat argenteus, in margine vero circuli duo, quorum interior prasinus, albus exterior, ii Cortonacenses appellabantur, & cum superioribus utrique sub magistro peditum stipendia faciebant.

THAIPSALI. CAP. XIX.

Nam qui sub equitum Magistro militabant Thaipsali (nisi codex in damno est, & Theffali, forte castior lectio sit) nuncupati, cœruleum gestabant Anguem, terga levam versus porrigitem, in dexteram vero caput ad caudam incurvantem, qui gestis in Cortonacenibus diversus erat. Horum vero parma alba, umbilicus identidem argenteus, circum quem ruber ducebatur circulus. Inter caput & caudam Colubri, violaceus erat orbiculus.

PRÆFECTI FABRICÆ. CAP. XX.

Intra gestamina vero Fabricæ præfectorū, quæ sex numero erant, dimidiatus Serpens luteus in horum uno conspiciebatur, parma cœrulea, aureus umbilicus, margo ruber: intra quem à leva parte, Onyx parvus cum Aethiopis sigillo. Sequebantur ii virum illustrem, Magistrum officiorum appellatum.

SAGUNNENSES. CAP. XXI.

Sed Angues duo in hujusmodi militum gestaminibus colore rubro, sive, uti ex Ammiano diximus, purpureo, ad similitudinem X. Græcæ literæ in transversum siti, in cœrulea parma, cuius marginem ruber limbus circumdaret, eorum erat insigne, qui sub Magistro peditum merentes, Sagunnen- ses appellabantur.

BIANENSES. CAP. XXII.

Humanicipitis autem Serpentis effigies, in cœrulea parma ipse quoque unicolor, spiris duabus circa umbilicum aureum datis, capite eo humano superarrecto, & in aversum respiciente, cauda aliquantulum inferne summis propendente gestabatur à militibus, qui sub Magistro militum per Illyricum merebant, Bianenses nuncupati.

HONORIANI JUNIORES. CAP. XXIII.

Erat inter hos quoque mutilati Serpentis insigne, cuiusmodi eorum habebatur, qui Honoriani juniores vocabantur. Serpentis id frustum luteum, totam fere parvam circumplexum. Inter caput & segmentum quadra erat & ipsa lutea, angulis in os & in casuram versis, in qua tessala conspiciebatur purpurei coloris. Intra Anguem parma omnis rubra, extra tergum circulus albus ducebatur, umbilicus erat argenteus. Erant ii sub illustri viro equitum Magistro.

MARCOMANI. CAP. XXIV.

Sub eodem præfecto merebant & Marcomani, qui dimidium ipsi quoque Serpentem præferebant coloris identidem lutei, in alma parma, cuius aureus erat umbilicus. Inter segmentum & caput lutea etiam lunula cernebatur adpicta.